

Ғалымдарды құттықтады

14 сәуір күні Жәңгір хан атындағы Батыс Қазақстан аграрлық-техникалық университетінде ғылым айлығына орай ұйымдастырылған салтанатты шараға облыс әкімі Нариман Төреғалиев қатысты.

Облыс басшысы өз сөзінде университет басшылығы мен профессор-оқытушылар құрамын ғылым қызметкерлері күнімен құттықтап, білім ордасының ғылыми әлеуеті жоғары екенін атап өтті. – Елдің дамуында ғылымның алар орны ерекше. Соңғы жылдары республикамыздағы ғылым саласында айтарлықтай өзгерістер орын алды. «Ғылым туралы» заң қабылданып, ғылымды басқарудың жаңа үлгісі мен қаржыландырудың жаңа тетіктері жұмыс істей бастады. Нәтижесінде 2021-2023 жылдары республикалық бюджеттен ғылымды қаржыландыру екі есеге жуық өсті, – деген Нариман Төреғалиұлы өз баяндамасында білім-ғылым саласын қолдау бағытында өңірімізде жасалып жатқан жұмыстарға тоқталды.



Салтанатты шарада Жәңгір хан университетінің отандық ғылымның дамуына сүбелі үлес қосып жүрген ғалымдары – ветеринария ғылымдарының докторы, профессор Мәлік Шөлменов, PhD докторы, доцент Ербол Ербаев, аға оқытушы, PhD докторы Бекбол Сариев, PhD докторы, доцент Салтанат Есенғалиева, аға оқытушы, магистр Талап Шадьяров облыс әкімінің Алғыс хатымен марапатталды.

Өңір басшысы сапар барысында университет фойесіне қойылған ғылым көрмесін

тамашалап, университеттің ғылыми жаңалықтарымен, жүзеге асырылып жатқан ғылыми жобалармен танысты. Бірқатар ғылыми жобаларға назар аударып, өңірдің әлеуметтік-экономикалық дамуы үшін маңызды екенін атап өтті. Сонымен қатар, оқу орнының «Жастар бастамасын дамыту» орталығында, «Сұңқар» спорт кешенінде, мәдениет және өнер студиясында болды.

Ләззат ҚАЖЫМОВА,
БҚАТУ медиа орталығының
директоры